

皇  
明  
制  
書

御製大誥序

朕聞曩古歷代君臣。當天下之大任。閔生民之塗炭。立綱陳紀。昭示天下。為民造福。當是時。君臣同心。志同一氣。所以感

皇天后土之監。海嶽效靈。由是雨暘時若。五穀豐登。家給人足。斯君臣之逝遐且久矣。育民之功。載諸方冊。猶如見存君子。讀誦至斯。陡然情懷感激。仰慕於千萬古之下。恨不目擊耳聞。樂此昇平。以為慶幸。昔者元虞華夏。

實非華夏之儀。所以九十三年之治。華風淪沒。彛道傾頽。學者以經書專記熟為奇。其持心操節。必格神人之道。略不究裏。所以臨事之際。私勝公微。以致愆深曠海。罪重巍山。當犯之期。棄市之屍未移。新犯大辟者。即至。若此。乖為覆身。滅姓。見存者。曾幾人。而格非。嗚呼。果朕不才。而致是與。抑前代汚染而有此。與。然曠由人心不苦。致使而然。今特害民事。理。昭示天下。諸司敢有不務公而務私。在外

賊貪酷虐吾民者窮其源而搜罪之斯令一出世世守行之洪武十八年十月朔序

御製大誥

巡撫保定等府蕪捷賢臬判等關都察院右副都御史張爾荊

君臣同遊第一

昔者人臣得與君同遊者其竭忠成全其君飲食夢寐未嘗忘其政所以政者何惟務為民造福拾君之失擲君之過補君之缺顯祖宗於地下歡父母於生前榮妻子於當時身名流芳千萬載不磨專在竭忠守分智人悟之有何難哉今之人臣不然蔽君之明張君

之惡邪謀黨比機無暇時凡所作為盡皆殺身之計趨火赴淵之籌

官親起藁第二

曩古之君除堯舜禹湯文不過尚書畧節之紀餘無備載難以測云其秦不可法自周至於漢晉唐宋當時賢人君子臣於斯歷代者受任方隅所任之事各必躬親理之所以視吏卒如奴僕待首領官若今之叅謀善者禮之不善者奏聞黜之凡所施行諸事議論已

成正官首領官親行草藁後吏精書之而乃書押印行所以事多端正並無過誤稽遲所以食天之祿安如磐石名流萬古耿耿而不磨

### 胡元制治第三

胡元入王中國非我族類風俗且異語意不通遍任九域之中盡皆掌判人事不通文墨不解凡諸事務以吏為源文書到案以判印代押於諸事務忽畧而已此胡元初治焉三十年後風俗雖異語言文墨且通為官任事

者畧不究心。施行事務。仍由吏謀。比前歷代  
賢臣視吏卒如奴僕。待首領官若叅謀。遠矣  
哉。朕今所任之人。不才者衆。往往蹈襲胡元  
之弊。臨政之時。袖手高坐。謀由吏出。並不周  
知。縱是文章之士。不異胡人。如戶部侍郎張  
易進。以儒業授掌錢穀。凡諸行移。謀出吏已。  
於公。屨袖手若尸。入奏錢糧。槩知矣。朕詢明  
白。茫然無知。惟四顧而已。吁。昔我中國先聖  
先賢。國雖運去。教尤存焉。所以天命有德。惟



因故老。所以不旋踵。而雍熙之治。以其教不  
迷也。胡元之治天下。風移俗變。九十三年矣。  
無志之徒。竊效而為之。雖朕竭語言。盡心力。  
終歲不能化矣。嗚呼艱哉。

#### 薦舉首領官第四

或有忠臣在職。數觀首領官吏。倘有大智之  
士。屈在下僚。一時不能上達。其忠臣不特已  
用其賢能。又將速薦。以安社稷。致君堯舜。豈  
肯泛用無藉。隱匿非常之才。古者聖臣。嘗以

此為常。又不以為罕矣。

### 諭官之任第五

朕命諸司官。前往任所。每常數數開諭導引。為政勿陷身家。其諭之辭曰。汝知不才者乎。今所在有司。坐視患民。酷害無端。政由吏為。吏變為奸。交頭接耳。議受贓私。密謀科歛。愚奸既成。帖下鄉村。聲徵遍邑。民人嗟怨。此果交頭接耳。密謀徵歛。機軸之深乎。民人既怨。何謀之良哉。汝不見事覺之後。受刑在禁。議

罪已明身居工役之場。賊在數千里外。妻子收存者有之。眷屬無之者有之。多在異姓收。藏。臨期欲以為用。安得而至耶。是致家破身亡。賊為他人所有。比若是而無益。守俸如井泉。井雖不滿。日汲不竭。淵泉焉。賄賂之財何益之有哉。汝往任事。勿蹈前非。

軍人妄給妻室第六

山西洪洞縣姚小五妻史靈芝。係有夫婦人。已生男女三人。被軍人唐閏山於兵部。朦朧

告取妻室。兵部給與勘合。着落洪洞縣將唐  
閨山家屬起赴鎮江完聚。方起之時。本夫告  
縣。不係軍人。唐閨山妻室。本縣明知非理。不  
行與民辯明。擒拿奸詐之徒。推稱內府勘合。  
不敢擅違。及至一切內府勘合。應速行而故  
違者。不下數十餘道。其史靈芝係人倫綱常  
之道。乃有司之首務。故違不理。所以有司盡  
行處斬。

刑部追問妄取軍屬第七

刑部尚書王崧將史靈芝并本夫及妄取軍  
屬奸夫盡行提取在部不行明坐妄取他人  
妻室為妻之罪又不問鄉貫同否曾無日前  
有奸却乃吹毛求疵詢問出史靈芝三歲時  
曾定與奸夫唐閨山兄為婚其人未出幼已  
故靈芝長成與姚小五為婚已生男女三人  
王崧尚欲差人原籍勾取三歲媒合之人意  
在動擾良民持權妄為有乖治體非止一端

尚書王崧誹謗第八

刑部尚書王崑持五刑以弼五教。崑所習者先聖之道及其行也。不體先聖之教。縱奸頑之志。讟良善之心。懷暴誹謗。惟在沽名。凡奏刑名。增減情辭。故行出入。每每不當。御史唐鐸按實。料欲勾問。其王崑面傷唐鐸。徑引唐則天故事。上侮朝廷。下慢執法。之官。其詞曰。你入我罪。久後少不得請公入罪。今所言王崑之事。不過一二爾。不才多矣。

陝西有司科歛第九

陝西布政司按察司官府州縣官王廉蘇良等害民無厭恬不為畏造黃冊科歛於民朝覲科歛於民買求六部寬免勘合限期科歛於民徵收二稅促逼科歛於民造上中下三等民冊科歛於民其賊官賊吏實犯在獄招出民人官吏指定姓名各寄鈔銀袍衫氈條氈褥氈襪頭疋等項各照姓名坐追其布政司府州縣聞此一至且不與原指寄借姓名處追還却乃一槩遍府州縣民科要平加十

倍如此害民其心畧不將陝西百姓於心上  
躊躇民人苦楚且如西京莊浪等處河州臨  
洮岷州洮州軍人缺糧著令民人趲運地將  
盈雪尺餘深溝陡澗高山峻嶺庄農方息勞  
倦未甦各備車輛重載涉險供給軍儲中路  
車輓牛死者有之入亡糧被盜取者有之若  
牛死車存人在中途進退兩難寒風凜冽將  
欲墮指裂膚上畏法度謹遵差期雖死不易  
苦不勝言設若到衛交納淋尖跌斛加倍輸



納無敢妄言。如此艱辛。布政司府州縣官按察司官。果曾軫念於民。為此法所難容。各科重罪。

### 山西運糧第十

山西布政司按察司府州縣官。關賢武宣等。賊貪無厭。視民豈如禽獸。且如澤潞等州。平陽等府。糧餉北供。山高風猛。地槩溜冰。雪盈川野。冷切人骨。寒逼牛心。中途車摧牛死。雖有人存。進退兩難。且納糧之難。猶頗少苦。其

納草之艱甚矣。一車之草。北度鴈門。止足澤潞。車牛之用。民人負細軟。詣大同蔚朔鴈門等處。易草輸納。有司欲取民財。實難言語。故行刁蹬。必欲本處載去。致使民人轉運艱辛。不勝之苦。惟

天可知。嗚呼哀哉。有司食

天之祿。豈有天災人禍不至者耶。今之所犯。法所難容。

凌稅山場竹木第十一

湖州府官吏劉執中等。不謀公而謀私。將藉沒凌稅山場所產木植。砍伐二十九萬。設計差夫搬運賣遍府縣。然後止差五千人搬運。後與各人夫及推官呂惟賢等。通同作弊。除各匿入已外。止解二萬餘根至京。自取之禍。安可逃乎。

五府州免糧第十二

應天宣城太平廣德鎮江五府州。為是興王之地。久被差徭。特將夏秋稅糧。不時全免。惟

元宋入官田地。我朝籍沒之田。民田全免。官田若令全免。民難消受。所以減半徵收。凡免糧去處如此。但凡民糧不一槩全徵。其應天等五府州縣數十萬沒官田地。夏秋稅糧。官吏張欽等通同作弊。並無一粒上倉。與同戶部官郭桓等盡行分受。君子詳觀。果可容乎。

武進縣夏稅第十三

常州府武進等縣官吏鄧尚文等。將民人夏稅十分以九分上倉。一分入已。聲言民人科

歛未足。巧於富戶。處借納。如此害民。既徵不足。借於富戶。果後以何倍還。以此觀之。富民不免致害。終無倍還之意。

廬州府夏稅第十四

廬州府夏稅。知府韓克佐等。不憂民艱。言十八年。夏稅小麥。粃細不堪為糧。欲令民抵斛米折。朕諭戶部。天時所收如此。當以此上倉。况此際時。當六月。舊收稻糧已絕。小民朏望新麥已成。若不徵麥而徵米。是故虐其民。其

廬州府官之罪戶部之罪果得而逃乎

張夢弼私通賊私第十五

通政司經歷張夢弼子在朝父在鄉父子同謀貪緣朝官構為黨比私通賊私坐名前去山西沁水縣追取其本縣官朱坦等不於本家追取一槩以為營計科歛吾民擾動一縣代奸陪贓其縣官及張經歷父子果可釋乎

吏毆官長第十六

各處有司惟務奸貪不問民瘼政聲醜陋愚

民所耻。所以蘇州常熟吏人沈尚等。衢州開化吏人徐文亮等。眇視二縣官長。鄧源湯壽輕等於廳。毆打罪雖吏當。官何人也。

阜隸毆旗軍第十七

蘇州府崑山縣阜隸朱杲一等不聽本縣官李均約束毆打。

欽差旗軍罪至極刑。若旗軍縱有贓私。所司亦當奏。

聞區處安可輕視。

阜隸毆舍人第十八

金華府縣官張惟一等出備銀鈔衣服等項。齎送欽差舍人。舍人不受。就欲擒拿。時令府官封收其物。府官自知其難。舍人臨行。其府官發忿。故縱阜隸王詩孫等毆打舍人。事覺。阜隸斷手。府官之罪。又何免哉。

攬納戶虛買實收第十九

各處納糧納草人戶。往往不量攬納之人有何底業。一槩將糧草付與解來。豈知無籍之



徒將錢糧赴京止買實收糧草並不到倉及至會計缺少問出前情其無籍之徒惟死而已糧草正戶罰納十倍奸頑還可逞乎。

雨澤奏啓本第二十

各處有司諸事奏啓本及雨澤奏啓本赴京中間多有不書寫姓名有寫而不稱臣者以數千里數百里造文一紙以對人君姓名尚不謹書此果為人臣之禮乎於中不恤吾民可見矣。

勾取逃軍第二十一

十二布政司按察司府州縣官為兵部勾取逃軍或有頑民犯法各部勾取其布政司府州縣貪圖賄賂不將正犯解官往往拿解同姓名者因賊迷惑其心止知已利不知良善受害無可伸訴若將犯罪受刑之苦以已推之豈有貪賊害於良善者且罪人受刑罪重晝則枷項扭手夜則繫項鈐足輕則鍊索牽行父母妻子悲啼送程倉卒一時催起路無

盤費是後父母妻子收拾盤纏意在往供有司刁蹬不與引行既而買引沿途追趕有中途病死者有飲食不節而負病者所勾之人惟恐違限日加箠楚雖有微命猶在幾死之間若法司審理不明即作真犯擬罪若上官既明吏不枉法方得放歸其苦萬端當時法司肯將此苦量推於已豈有良善受害哉然有司因此無辜於良善天鑑不遠一旦發露罪及身家如此者數數開諭每每加刑曾有

幾人而省此禍殃

婚姻第二十二

同姓兩姨姑舅為婚弟收兄妻子承父妾此  
前元之胡俗朕平定之後除元氏已成婚者  
勿論自朕統一申明我中國先王之舊章務  
必父子有親君臣有義夫婦有別長幼有序  
朋友有信方十八年矣有等刁頑之徒假朕  
令律將在元成婚者兒女已成行列其無籍  
之徒通同貪官污吏妄行告訐致使數十年

婚姻無錢者盡皆離異有錢者得以完全此等之徒異日一犯身亡家破悔之晚矣胡人之俗豈止如此而已兄收弟婦弟收兄妻子承父妾有一婦事於父生子一父亡之後其妾事於正妻之子亦生子一所以夫婦無別網常大壞與我中國聖人之教何如哉設理舊事難為者多矣所以元氏之事不理為此也今後若有犯先王之教罪不容誅

賣放浙西秋糧第二十三

戶部官郭桓等收受浙西秋糧合上倉四百  
伍拾萬石其郭桓等止收六十萬石上倉鈔  
八十萬錠入庫以當時折筭可抵二百萬石  
餘有一百九十萬未曾上倉其桓等受要浙  
西等府鈔五十萬貫致使府縣官黃文等通  
同刁頑人吏沈原等作弊各分入已

諭官生身之恩第二十四

朕常命官每諭生身之恩最重其詞云何曰  
汝知父母之慈乎且初離母身乃知男子母

徑聞父生兒矣父既聞之以為禎幸居兩月  
間夫妻鬪子寢笑父母亦歡幾一歲間方識  
父母舊動父母或肚踢或操行或馬跑有時  
依物而立父母尤甚歡情然而鞠育之勞正  
在此際所以父母之勞憂近水火以其無知  
也設若水火之近非焚則溺冬恐寒逼夏恐  
虫傷調理憂勤勞於父母豈一言而可盡及  
其長也有志四方能不致父母之憂此為孝  
也更能異閭里之子出民上衣食豐奉於父

母溫清之道以時送終之期設備人子之道  
無以加矣今為官者往往不才父母在堂者  
忘鞠育之恩而妄為彼雖不知父母之慈父  
母之慈未嘗有間良妻在室故忘夫婦之道  
烏合野婦彼雖不知良妻之節良妻之節未  
嘗有間且如福建道御史于敏初任衛知事  
犯法遭刑其妻擊鼓以救朕屈法以赦之以  
全貞良之婦朕謂敏曰京師人煙輳集刁詐  
容貌者多少年婦女居京一心於夫者鮮矣



惟欲夫終日不歸。歲月不還。得以自由。今汝之妻。親父母之良哉。柔訓如是。間有者也是。勿自棄。諭後復任御史。不踰年復作非為罪。當徒役。其妻復救。仍准貞良赦之。復諭曰。良哉之妻。汝勿自棄。仍前御史。復不踰歲大肆奸頑。交結朋黨。比周京內。一犯之後。朕親審問。自知罪惡淵深。朗然自筆。奸黨之情。畧無阻滯。朕謂曰。汝何若是。對曰。人到神思昏處。不知如何。又作非為。大抵與不過。內外人朝。

說暮說浸潤一時見利忘身朕謂曰此時如何曰臣臨刑方覺悔之不及此于敏若是而對朕所審况非一日所對未嘗異辭嗚呼愚頑終化不省歸刑方覺死而後已嗚呼生身之恩既不能報貞良之妻自棄不撫古至于今若此者鮮矣

開州追賊第二十五

有司務在問民疾苦撫安良善罪奸治頑伸冤理枉其大名府開州州判劉汝霖係江西

布政司九江府耆儒受任以來不將所學運用以持心而乃棄先聖先賢之道私邪妄作上謗朝廷下虐良民其北平布政司按察司官吏李或趙全德等通同六部官郭桓等十二道丁廷舉等寄借贓鈔各官事發坐名定數遣人追取本州官吏羅從禮等分寄一萬七千貫州判劉汝霖竟不將前項所寄贓鈔照名追還却乃帖下鄉村遍處科民代陪前項鈔貫朕知諸處有司一體如是故出詔捕

告天下官民人等。所有物件錢物寄借。須憑文約。如無諸司不理者。抵罪。其州判劉汝霖。視為泛常。仍復出帖科民。甚至禁錮其民。逼令納餉。其帖之辭曰。民以朝廷追贓為重。致有開州耆民不忍坐視民患。赴京面奏者五人焉。即遣人按治。果如奏狀。於是將州判劉汝霖梟令於市。

朝臣優劣第二十六

洪武十八年。戶部侍郎郭桓事覺。寢露天下。

諸司盡皆贓罪繫獄者數萬。盡皆擬罪。或曰。朝廷罪人。玉石不分。吁。朕聽斯言。所言者理哉。此君子之心。惻隱之道。無不至仁。此行推之於君子則可。小人則不然。且都察院詹微。刑部掌部事唐鐸。二者異同。下人所事亦異同。微剛斷嫉惡。不容奸偽。所役之吏。髮蓬面垢。容愁肌瘦。不異羈囚。蓋不得肆其貪。有若是其鐸始。友及臣至今三十四載。其人交不知變色。絕不出惡聲。德有餘而才少不足。屢

被小人相累。陷極刑者二三。朕深知其德。宥而弗罪。以眷其德也。今奸人小人不然。微剛則謗訕滿朝。鐸重厚無疵。其奸人小人反為懦而無為。一切行移計稟。皆侮文弄法。以愚之賄賂。公行鐸無奈。何嗚呼。聰明失非者。以為非淵泉其德。海容其物。以為愚人。人心之不公。有此耶。當諸司酷害於民。有能惻隱民艱。不與同類科歛之際。或公文不押。或阻當不行。或實封入奏。以恤吾民。此際不分輕重。豈

不妄及無辜。每每科無阻當。徵無惻隱。混貪一槩。又何分之有哉。

問賊緣由第二十七

如六部有犯賊罪。必究賊自何而至。若布政司賄於部。則拘布政司至。問斯賊爾自何得。必指於府。府亦拘至。問賊何來。必指於州。州亦拘至。必指於縣。縣亦拘至。必指於民。至此之際。害民之姦。豈可隱乎。其令斯出。諸法司必如朕命。奸臣何逃之有哉。嗚呼。君子見而

其政尤勸小人見而非心必省。

京民同樂第二十八

在京民人朕於靜處少有暇心即思必與同樂不期愚民爲胡陳所誘一槩動搖至今非心不格而從心異曩者愚民奔走門下紛然競起構作馬前之卒爲竒謀爲吏役之道自慶奸狡蔽其仁心是非迷其本性由是身亡家破邇年以來坊廂人戶不許差役使得遂其生今者諸司犯法賊在坊廂其坊廂村店



人等不奉朕命固替奸貪隱匿直至身亡家破而後已。今後天下內外城市鄉村凡我良民無得交結官吏設若家道生受誤用官吏贓私錢物纔聞官吏發露即於所在官司首告與免交結之罪。

### 官民犯罪第二十九

今後官民有犯罪責者若不順受其犯買重作輕買輕誣重或盡行買免除死罪坐死勿論餘者徒流遷徙笞杖等罪賄賂出入致令

冤者不伸枉者不理雖笞亦坐以死法司罪同犯者此犯不分贓之巨微除失錯公罪不坐凡私的決並不虛示。

僧道不務祖風第三十

僧尼道士女冠敢有不務祖風混同世俗交結官吏爲人受寄生放有乖釋道訓愚之理若非本面家風犯者棄市

民不知報第三十一

民有不知其報而恬然享福絕無感激之心

因不知其報不知其感激一日天災人禍並至茫然無知其由憂愁滿室抱怨橫嗟孰不知不知其報而若是耶且以社稷言之古先哲王立壇以祀之嚴恭祗奉未敢有怠何也蓋社五土之神稷五穀之神五土發生五穀為民立命天子不能遍祭於天下則諸有司立壇所在而祭之又立大社大稷於雒闕之右與廟相對親之也所以春祭於社祈嘉穀之生成秋之祀是報成也凡良民造理者居

一方一隅食土之利不拘多少其心目欲報之其誠何施以其社稷立命之恩大比猶父母雖報無極良民有此念者家道不興鮮矣方今九州之民有田連數萬畝者有千百畝之下至於百十畝者其於利其利而不知其報者多矣然而未嘗不爲富破其家資以保其富嗚呼至此之際怒貫神人天災人禍由是所以破家資不過賄賂有司若差不當小民靠賴所以不知其報在此也若欲展誠以

報社稷爲君之民。君一有令。其趨事赴公。一應差稅。無不應當。若此之誠。食地之利。立命之恩。斯報矣。咸云君養民。果將何以育之。君之服食。皆民所供。衣食既係民。供果何養民哉。然君之養民。五教五刑焉。去五教五刑而民生者。未之有也。所以五教育民之安。曰父子有親。君臣有義。夫婦有別。長幼有序。朋友有信。五教既興。無有不安者也。民不循斯教者。父子不親。君臣不義。夫婦無別。長幼不序。

朋友不信強必凌弱衆必暴寡鰥寡孤獨篤  
癯殘疾何有之有焉既不能有其有命何存  
焉凡有此者五刑以加焉五刑既示奸頑歛  
跡鰥寡孤獨篤癯殘疾力弱富豪安其安有  
其有無有敢犯者養民之道斯矣今之頑民  
罔知立命之由妄破家資買囑官吏故犯憲  
章身亡家破由人神之監見也百祥百殃信  
矣哉。

水災不實第三十二

有司牧民水旱災傷是爲急務。自朕即位以來。各處水旱災傷。亟蠲生癸。民人告災。有司多不淮理。及至淮理。通同無籍頑民。以荒作熟。以熟作荒。無籍頑民。以爲得志。孰不知天災人禍。至有日矣。嗚呼。君子小人。得有司之位者。當災傷之際。君子所以難爲。小人易爲。云何君子受理。被頑所誣。所以受與不受者。兩難哉。蓋由頑民致是。小人徑理。以其賄賂行焉。誣

上虐下。竟不爲畏。且如高郵州民有水災。朕令進士詣路。未至災所。其有司民人。即以災冊至。進士謂曰。未曾沿垣履畝。先建是冊。爲何曰。馬前冊。嗚呼。民有不淳者。其同知劉牧。不才充甚。若允馬前冊以進。更微與顏色交談。馬前冊爲實哉。賄賂公行矣。其進士不諾。必欲親詣災所。其同知劉牧與頑民議。將已熟禾稼。盡行剗去。引水灌其地。若此者。若干頃畝。嗚呼。所以君子未敢受理者。爲此也。同



知劉牧易爲受理者亦如此也

奸吏建言第三十三

紹興府餘姚縣吏葉彥彬父亦在閑之吏其子邑呼曰小疾靈以黃冠符篆印作縣印用使批文下鄉騙民被弓兵史敬德覺露本吏賄於有司虛有罪實釋之後以吏役起赴京師其史心懷舊恨外名仁義內包禍心建言便民事理中含報讎於弓兵史敬德等三人衣所言章皆以人至法司對問間所言事內

已虛三件。况實報讎告人。御史王式文徇情  
出妄告之罪。御史王式文因別事不公者多。  
由小疾靈因事發露。墨面文身。挑筋去指。書  
吏梁仲真亦然。既刑之後。皆繫獄中。係原問  
小疾靈之官不餘數日。乃與小疾靈同獄。疾  
靈係是有罪之徒。因罪未決。得以縱橫。選房  
代人書寫。疾靈事內。被告者知疾靈奸詐百  
端。難以口對。免曰。毋我對辭。疾靈知被詐者  
畏懼。謂曰。若毋對。爾將何我益。曰。以銀相送。

時在獄中不便取人各與花押一枚寫照是  
後各出繫獄果送鈔銀布匹時朕親問諸司  
疾靈他犯又將及身促爲所知畏懼罪責乃  
以鈔銀段絹布凡赴通政司首鳴呼人不畏  
法有若是歟疾靈繫獄處所點刺斷筋者盈  
牢呻吟動地膿血交流本身之罪未決輒敢  
於苦楚處受賊父本老吏朝廷起取即推風  
疾不起其子赴京父子俱至疾靈被獲傍云  
父亦在是詢及疾靈伊父果來乎對曰歸矣

遺人試捕就京被獲父子無端有若是耶詢  
情鞠弊其罪甚深父子皆死孰不目擊耳聞  
其他犯者尤有甚焉

倉庫虛出實收第三十四

天下倉廩并庫藏等處官攢斗級人等有犯  
贓私問贓自何而得必供虛出實收與納戶  
某人接受錢物若干當此之際憑招勾納戶  
到官加倍追陪當該法司不行如勅究問追  
徵罪如犯者

行人受賕第三十五

行人受命而出。或捧制書。或尋常差使。或催督六部都察院公事。所在受賕者。問賕自何而來。必供諸司所與擒至。諸司問此賄賂錢物。從何而至。必供取之於民。其害民之奸。豈可隱乎。當此之時。除民人被其威逼。科歛。犯罪外。官吏與者受者。罪同。

民陳有司賢否第三十六

自布政司至於府州縣官吏。若非朝廷號令。

私下巧立名色害民取財許境內諸耆宿人等遍處鄉村市井連名赴京狀奏備陳有司不才明指實跡以憑議罪更賢育民及所在布政司府州縣官吏有能清廉直幹撫吾民有方使各得遂其生者許境內耆宿老人遍處鄉村市井士君子人等連名赴京狀奏使朕知賢凡奏是奏非不許三五人十餘人奏且如府官善政槩府所屬耆老各縣耆列姓名具狀其律內不許上言大臣美政係干禁

止在京官吏人等。毋得徇私黨比。紊亂朝政。在外諸司。不拘此律。

籍沒攬納戶第三十七

攬納戶。攬到人戶諸色物件糧米等項。不行赴各該倉庫納足。隱匿入已。虛買實收者。追物還官。然後處以重刑。籍沒家產。

女保過付第三十八

所在府州縣安保之家。并說事過錢人。皆以口舌利便說誘。是致君子一時被其昏愚。陷

入憲章。今後敢有如此者。處以重刑。籍沒家產。

詭寄田糧第三十九

將自己曰地。移坵換段。詭寄他人。及洒派等項。事發到官。全家抄沒。若不如。此。靠損小民。冒解罪人第四十

所在有司官吏。上司着令勾解罪人。往往賣放正身。將同姓名良善解發。今後如此該吏。處以重刑。



折糧科歛第四十一

浙西所在有司凡徵收害民之姦甚如狼虎且如折收秋糧府州縣官發放每米一石官折鈔二貫巧立名色取要水腳錢一百文車腳錢三百文口食錢一百文庫子又要辯驗錢一百文蒲簍錢一百文竹簍錢一百文沿江神福錢一百文害民如此罪可宥乎

重科馬草第四十二

馬草事戶部侍郎郭桓等官受要應天太平

鎮江寧國廣德五府州納草人徐添慶等戶  
贓鈔不行追徵合納馬草却於已納安慶府  
人戶內多科補納五府州原欠數目以致農  
忙時月勾取各各人戶到官問出前由害民  
之奸纔方顯露

諭官無作非為第四十三

諸衙門官到任朕嘗開諭無作非為顯爾祖  
宗榮爾妻子貴爾本身以德助朕為民造福  
立名於天地間千萬年不朽永為賢稱去後

曾幾人依朕所諭到任之際。掌錢穀者盜錢。  
穀。掌刑名者出入刑名。使冤者不伸。枉者不  
理。致使御冤無訴。縱然欲訴。下情不能上達。  
間有達者。朕知其然。擒奸貪。獲無道。置之極  
刑。或加沉寃刑。以徒役。決以笞杖。是非分明。  
死者且已。生者以是飾非。謾朋友。誑鄉曲。皆  
曰。本身無罪。乃云朝廷刑暴如此。謗訕者多  
矣。朕嘗開諭之際。甚是明白。往往不依朕言。  
反自取禍。且如惡人犯罪。善者過誤。遭刑二

者有畏笞杖傷及肌膚者有畏死而不得生者二者畏罪甚矣乃以金帛賄賂於當該其當該者反不以揚祖宗榮妻子貴身惜命為重前二者畏死買生為官者反不畏死徑接受其賂將自己性命故入憲章臨刑赴法纔方神魂蒼惶仰天俯地張目四顧甚矣哉悔之晚矣豈止晚矣終不獲生如兵部侍郎王志為勾補逃軍等事受贓二十二萬朕親問之爾貪何若是對曰財利迷其心雖君親亦

志之曰。今如何。對曰。臣臨刑方覺悔不及矣。  
嗚呼。財利之迷人。非正人君子至賢之士。不  
可得而免矣。嗚呼。免何難哉。其不用心爾。曩  
元末之時。群雄並起。孰不以子女玉帛為先。  
良騎美服為上。酣歌作樂為奇。生離人父母。  
妻子為妙。朕亦擾攘中於斯數事。為何不能  
其保身惜命。而不敢當未定之時。攻城畧地。  
與群雄並驅。十有四年餘。軍中未嘗妄將一  
婦人女子。惟親下武昌。怒陳友諒。擅以兵入。

境既破武昌。故有伊妾而歸。朕忽然自疑於斯之為果色乎。豪乎。智者監之。朕為保身惜命。去聲色貨利而不為。蓋為慕聲色貨利者。數數朝興暮敗。監此非為。終不同其愚。志量豈難哉。

#### 社學第四十四

好事難成。且如社學之設。本以導民為善。樂天之樂。奈何府州縣官不才。酷吏害民無厭。社學一設。官吏以為營生。有願讀書者。無錢

不許入學有三丁四丁不願讀書者受財賣放縱其愚頑不令讀書有父子二人或農或商本無讀書之暇却乃逼令入學有錢者又縱之無錢者雖不暇讀書亦不肯放將此轉生員之數欺誑朝廷嗚呼艱哉天災人禍若不災於此官此吏載在祀典之神無憑可敬似此善道難為惟天可鑒智人詳之朕恐逼壞良民不暇讀書之家一時住罷復有不知民艱茫然無知官吏害民者數言社學可興

吁古云為君難誠如是為臣不易果然哉間有忘良同兇頑之徒聯啣日被所污終不能清不易哉甚矣嗚呼惟天可鑒兇頑之徒何父母所生造惡以陷人終化不醒神明鑒焉禍有日矣遲疾焉

耆民奏有司善惡第四十五

今後所在布政司府州縣若有廉能官吏切切為民造福者所在人民必深知其詳若彼不才官吏同僚人等捏詞誹陷一時不能明



其公心遠在數千里情不能上達許本處城  
市鄉村耆宿赴京面奏以憑保全自今以後  
若欲盡除民間禍患無若鄉里年高有德等  
或百人或五六十人或三五百人或千餘人  
歲終議赴京師面奏本境為民患者幾人造  
民福者幾人朕必憑其奏善者旌之惡者移  
之甚音罪之嗚呼所在城市鄉村耆民智人  
等肯依朕言必舉此行即歲天下太平矣民  
間若不親發露其奸頑明彰有德朕一時難

知所以囑民助我為此也。若城市鄉村有等起滅詞訟把持官府或撥置官吏害民者。若有此等許四隣及合郡人民。藉實赴京面奏。以憑祛除。以安吾民。嗚呼。君子目朕之言。勿坐視縱容奸惡。患民故囑。

文引第四十六

凡布政司府州縣耆民人等。赴京面奏事務。雖無文引。同行人數或三五十名。或百十名。至於三五百名。所在關津把隘去處。問知面

奏即時放行。毋得阻當。阻者論如邀截實封律。

民知報獲福第四十七

方今富豪之家。中等之家。下等之家。富者富。安中者。中安。下者下。安去古既遠。教法不明。人不知其報。反造罪以陷身。富者田多。詭計糧稅。酒派他人。中者奸頑。少同。下者因無可恃。歲被靠損者有之。上中數犯罪責者有之。傾家覆產者有之。蓋由不知其報而致然耶。

若使知報之道知感激之理則於閑中起居飲食不時舉手加額乃曰稅糧供矣夫差役矣今得安閑上奉父母於堂下撫妻子於室雖篤癯殘疾富有家資除依差稅外餘廣家資本身生不能擇本家之患災其兇頑之徒執敢稱名道姓而盜取之云何蓋君禮法之所治也禮人倫之正民間安分守禮者多法治奸繩頑二者並舉通行天下人民大安所以孝子順孫得奉祖宗父母父母已逝者除

歲時祭祀外。餘有。其有優游於家庭。遂歡妻撫子於一生。絕無禍殃。為何。蓋為知其報矣。

偽鈔第四十八

寶鈔通行天下。便民交易。其兩浙江東西民。有偽造者甚。惟句容縣楊饅頭。本人起意。縣民合謀者數多。銀匠密修錫板。文理分明。印紙馬之戶。同謀刷印。捕獲到官。自京至於句容。其途九十里。所梟之屍相望。其刑甚矣哉。朕愬決無復犯者。豈期不逾年。本縣村民亦

偽造寶鈔甚焉。隣里互知而密行死而後已。  
嗚呼。若此頑愚。將何治耶。

郭桓造罪第四十九

造天下之罪。其造罪患愚者。無如郭桓甚焉。  
其所盜倉糧以軍衛言之。三年所積賣空前。  
者榜上。若欲盡寫。恐民不信。但畧寫七百萬。  
耳。若將其餘倉分并十二布政司。通同盜賣。  
見在倉糧。及接受浙西四府鈔五十萬張。賣  
米一百九十萬。不上倉。通筭諸色課程。魚鹽

等員及通同承運庫官范朝宗偷盜金銀。廣惠庫官張裕妄支鈔六百萬張。除盜庫見在寶鈔金銀不筭外。其賣在倉稅糧及未上倉該收稅糧及魚鹽諸色等項課程共折米筭所廢者二千四百餘萬積糧。嗚呼。古今貪有若是乎。其郭桓不才乃敢如是。其中所分入已者幾何罪。及同謀愚頑者先死。紀必救焉。空倉廩之府庫皆郭桓為之。

楊州魚課第五十

揚州瓜埠河泊所欠魚課鈔四萬張其郭桓  
着令追陪通同揚州府知府戰慎不令網業  
戶及湖官陪償却乃行下富戶追陪追鈔既  
足各人分受入已變賣銀兩其所欠四萬賊  
鈔行下湖官原籍江西布政司追陪及其鈔  
至猶且因循不進意圖入已雖未入已由是  
而犯嗚呼揚州魚戶欠鈔指以湖官原籍江  
西着令江西布政司追陪其布政司不才將  
平民一粟科陪又非揚州河泊所民初本所



欠四萬。今兩處共追八萬。揚州四萬已行入已重復追徵四萬。又欲侵欺君子監焉。人有如此無狀者。

吏屬同惡第五十一

府官州官縣官府吏州吏縣吏一切諸司衙門吏員等人初本一槩。民人居於鄉里。能有幾人不良。及至為官為吏。酷害良民。奸狡百端。雖刑不治。朕思是官是吏。其父母妻子聞此酷害良民如何。並不推已以戒之。以諫之。

致令身家禍焉。詳觀其屬。非同惡相濟。豈如是耶。

納糧入水第五十二

納糧人戶。及收糧倉官斗級人等。身亡家破。皆自招也。且如大軍倉廩。每間不下萬餘石。良民務以乾圓潔淨上倉。奸頑無籍之民。但知己之圖利。不知所喪甚多。且如有納一千石者。通同倉官人等。入水上倉。比所納者止是一千。入於萬石之中。一蒸之後。滿廩盡壞。

所納甚少。所壞甚多。天災人禍。豈有不致者耶。

納豆入水第五十三

馬料豆年年有等奸頑人戶。通同倉官人等。拌水拌豆。以增斛面。弊同手米。米壞尚有可食者。豆壞六畜不食。人何用之。每倉一間。不數萬餘石。因一戶奸頑。撓水交納。濕熱一蒸。盈厥皆壞。如此者多矣。及期拿住。官攢人等。治以極刑。無知朝廷艱辛者。乃曰刑酷。孰不

知此等之徒奸頑無厭近為郭桓敗露倉拆  
厥移平基毀牆得見官攢人等造禍之深有  
如此將米豆稻成千餘石或百石盡行埋瘞  
於地下一槩毀爛其數不少設心如此君子  
監焉

造冊科歛第五十四

至造上中下三等黃冊朝覲之時明白開諭  
毋得擾動鄉村止將黃冊底冊就於各府州  
縣官備紙劄於底冊內挑選上中下三等以

憑差役庶不靠損小民所諭甚明及其歸也  
仍前着落鄉村巧立名色團局置造科歛害  
民此等官吏果可容乎

積年民害逃回第五十五

積年民害官吏有於任所拿到有於本貫拿  
到此等官吏有發雲南安置充軍者有發福  
建兩廣江東直隸充軍者有修砌城垣二三  
年未完者這等官吏皆是平日酷害於民者  
且如勾逃軍賣正身解同姓朝廷及當該上

司勾拿一切有罪之人賣正身解同姓朝廷  
着追某人寄借贓鈔皆不於某人處正追却  
於通郡百姓處一槩科徵代陪就中剋落入  
已不下千萬其餘生事科擾及民間詞訟以  
是作非以非作是出入人罪冤枉下民踴冤  
滿地其貪婪無厭一時筆不能盡此等之徒  
見在各處軍者軍工者工安置者安置設若  
潛地逃回兩隣親戚即當速首拿赴上司毋  
得容隱在鄉以為民害敢有容隱不肯者亦

許四隣首其容隱者同其罪而遷發之以本  
家產業給賞其首者。

差使人越禮犯分第五十六

早隸係是諸司衙門執鞭總鑾驅使勾攝公  
事之人以等之徒徃徃承差於所屬衙門幹  
辦公務或勾罪人徑入公廨據公座而坐者  
有之當道直行者有之從正門入者有之鳴  
呼公廨朝廷所設祿君子貴賢人分理庶務  
民人瞻仰之所豈是奴僕早隸人等入正門

馳當道坐公座有乖治體此等之徒父母不  
教妻子不諫致使奴僕之體褻慢官制今後  
敢有如此者全家遷入雲南當該主使者臨  
遣之時不行省會母得犯分杖一百其容令  
入正門馳當道坐公座此等衙門官吏不行  
舉覺杖一百流雲南已將洪武十八年秋九  
月為水災事楊州府差阜隸宋重八下高郵  
州傳遞事務其高郵州同知劉牧輒令本卒  
入正門馳當道坐公座劉牧跪與執結嗚呼。



其同知劉牧不才不如一婦人爾自賤其體  
受卑隸宋重八辱興化縣知縣敖德真卑隸  
宋重八到縣亦欲如此知縣敖德真執法不  
從以致事覺已將同知劉牧卑隸宋重八杖  
斷流入雲南烟瘴興化縣知縣敖德真受賞  
嗚呼君子小人有若此之異乎自今以後各  
宜慎之敢有不遵者當該受辱衙門拿赴京  
來吏員承差人等敢有如此者其罪尤甚若  
六部都察院在京諸衙門及駕前校尉力士

卷之二  
旗軍行人等。非捧制書止受批差。敢有似前越禮犯分者。許所在官長實封入遞。今後除朝廷差委各處要招打斷外。其布政司都司按察司鹽運司府州縣。毋得輒差吏員承差。皂隸人等於各衙門要招打斷。敢有如此者。罪亦如之。

祭祀不敬第五十七

開諭為一郡一邑之主。豈止牧民而已。其鬼神必欲依之。陰陽表裏。以行人道。故諭之。出

則辭於神。入則告於神。官長既敬。民必畏從之。民人既敬。鬼神莫安。一方善惡。災臨福臨。必不至於妄加諭。後曾幾人。虔恭寅畏。豈止不畏江浦縣知縣劉進等。盜其祭帛。輦縣知縣饒一麟等。未祭而先食其牲牢臠肉。聞喜縣丞司崇以活鹿送人。為玩物。以死肉奉祀於山川社稷之神。嗚呼。人有不才者如是。然不旋踵而亡者幾人。其禍安得而逃耶。

鄉飲酒禮第五十八

鄉飲酒禮朕本不才。不過申明古先哲王教  
令而已。所以鄉飲酒禮。叙長幼。論賢良。別奸  
頑。異罪人。其坐席間。高年有德者。居於上。高  
年淳篤者。並之。以次序。齒而列。其有曾違條  
犯法之人。列於外坐。同類者成席。不許干於  
善良之席。主者若分別致使貴賤混淆。察  
知或坐中人發覺。主者罪以違制。奸頑不由  
其主。紊亂正席。全家移出化外的。不虛示鳴  
乎斯禮。始古先哲王之制。安良民於宇內。亘

古至今興者鄉里安。隣里和。長幼序。無窮之樂。又何言哉。吾今特申明之。從者昌。否者亡。

鄉民除患第五十九

今後布政司府州縣在役之吏。在閑之吏。城市鄉村老奸巨猾頑民。專一起滅詞訟。教唆陷人。通同官吏。害及州里之間者。許城市鄉村賢良方正豪傑之士。有能為民除害者。會議城市鄉村將老奸巨猾及在役之吏。在閑之吏。幫縛赴京。罪除民患。以安良民。敢有邀

截阻當者梟令拿赴京之時關津渡口毋得阻當

沉匿卷宗第六十

金吾後衛知事靳謙始由小吏起取赴京見其年壯聰敏徑授金吾後衛知事操持案牘掌管衛兵初見聰敏朕以為必然至誠託以心腹雖有機密事務亦曾使令究焉幾歲間事頗不律如不律者皆罪之獨謙且免謙不知其恩數犯以為常朕方知非是懷恩之士

命斷事官稽衛卷宗令譙親挾卷宗赴斷事官覲面考對及其至官一衛卷宗十不存一於是着追明白譙終日支吾獨以饑膚以拒刑又令妻妾擊鼓以訴覈之不實斷事官覆奏朕親問之譙不以卷宗奏答却言斷事官誹謗朝廷試將與斷事官周士民對問委實謗言朕復問譙斷事罪已爾一衛卷宗安在譙不答復問卷宗有無亦不答再問到了卷宗有無譙回言到了無於是凌遲處死嗚呼

金吾後衛謙未任之先。軍七千餘。自謙到任。增至八千餘。其一切賞賜月支。其數浩大。謙盜賣倉糧數多。剋落月支。并賞賜。其數亦浩大。故不立案。必欲支吾。意在偷生。安可免乎。

### 馬站第六十一

站馬之設。遠在萬里。報不逾二旬。安民之道。甚矣。洪武初。兵方息。民方生。餘資何有。彼時自京至於西涼。北平。山西。山東。遼東。四川。皆設馬驛。着定民人自備。其良民奉命。竭家資。



以備走逸時一馬千貫者有之。九百貫者有之。七八百貫者有之。貴矣哉。以此觀之。何民不因馬驛而貧矣。嗚呼。良矣哉。古先哲王之教民間相傳。良民趨事赴功。終不為怨教之良矣。良民之良。良尤甚矣。洪武十四年。十五年。獄有囚者。命人視審之。謂曰。死者欲生乎。徒者欲免乎。皆曰。願曰。爾破家資買馬入驛。以便走逸。代先勞之民從之。於是脫羈去禁。各着役所。一至驛所。即買病馬以應之。未久。

馬死數以鈔賄驛官。不半年餘。其賄賂之財。可買上等馬一匹。其奸頑之徒。寧可不買馬入驛。惟務賄賂驛官。以致使臣至驛。關馬令人與行事。發着買馬二匹。役工役無休。於斯之時。奸民愈愚。嗚呼。中上之人。着令走遍終歲。人馬不閑。雖是家道窘逼。亦不敢有違。以此觀之。良者愈良。奸者愈愚。驗矣哉。

開諭糧長第六十二

糧長往來民間不便。蓋是有司官不肯恤民。

止是通同刁詐之徒。生事多端。取要財物。民人一時不能上達。如今教你每戶家做糧長。民有事務。糧長除納糧外。閑中會鄉里一萬石糧內長者壯者與他說。各處府州縣從古設社稷壇場。官長每祭祀春謂之祈風雨。以時五穀豐登。秋謂之報成也。古先哲王所奉之社五土之神。稷五穀之神。五土者發生五穀立人性命。王者不能遍祭。所以所在食其利者。令有司設壇以祀報之。又於京內皇城

之外闕之右立大社大稷以對宗廟而祀之  
時親之也所以春祈秋報爲民造福今民有  
數十畝萬畝或百畝數十頃數十畝者每每  
交結有司不當正差此等之家不知千萬畝  
田千萬畝覆數百十頃畝者如是其風雨霜  
露與地相合長養五穀其家食其利以安生  
徃徃不應正役於差靠損小民於糧稅洒派  
他人買田不過割中間恃勢移址換段詭寄  
他人又包荒不便亦是細民艱辛你衆糧長

會此等之人使復為正。毋害下民了。畢畫圖貼說。果有荒田。奏知明白。除豁糧長。依說辦了。的是良民。不依是頑民。民有不遵者。具陳其所以。

妄告水災第六十三

鎮江丹徒民有告水災者。曹定等所告二百三十七頃。所踏止一百六十五頃。踏官拘草藁而視之。其藁中之辭曰。某頃某坵。可作某頃某坵。以熟作災。以災作熟。初朕聞水災急。

令人踏意在賑濟佃戶。有產之家罷給。豈期  
刁詐之徒有此。所以各處有司。每逢人間水  
旱災傷。往往不受理者。為其刁詐之民相累  
也。且如丹徒曹定等。以熟作荒者六十八頃。  
九十八畝。本家田萬畝。有奇。以熟作荒者四  
頃七十三畝。彼為狀首。將民間餘災不報。以  
荒作熟。坑害善良。為此着脩城一百五丈。鳴  
呼。鎮江府京師羽翼之郡。肇基先勞之民。天  
下既平。數免徵稅。止是當夫。自洪武十四年。

免徵秋夏稅糧。至洪武十八年五年並不曾徵稅。今年妄告水災。竟不知奸出何意。所以不赦者為此也。

姦貪誹謗第六十四

奸貪無福。小人故行誹謗。皆說朝廷官難做。且府州縣止以秋糧夏稅言之。民人已將秋糧夏稅納矣。不甚勞於有司。二稅辦矣。其府州縣官有就倉盜賣者。有與頑民相通。接受賕私。虛出實收者。此果民人難管。二稅艱徵。

陷官於罪責耶。實由貪而自取滅亡耶。府州縣專一宣布條章。辨民曲直。民有戶婚田土。閭閻相爭。一是一非。初招明白。不甚難於官吏。既知是非。輒起貪心。倒持仁義。接受賕私。禍善福頑。以招自身之禍。此果刑名之難歟。實奸頑之自取歟。嗚呼。絕賢輔我所用。皆非忠志之士。自作非為。強聲君過。妄彰君惡。逢親友於所在。掩非飾過。昧已瞞人。天災人禍。豈有不遇者耶。



設立糧長第六十五

糧長之設。本便於有司。便於細民。所以便於有司。且如一縣糧該十萬止。設糧長十人。正副不過二十人。依期辦足。勤勞在乎糧長。有司不過議差。部糧官一員。赴某處交納。甚是不勞心力。嗚呼。其不才有司官吏。通同奸頑。夤緣作弊。故行零碎。先後設計。留難紊亂。不勞心力之事。自取滅亡。教化風俗。乃有司之首務。民有風俗未美者。朕何嘗速責於有司。

必待自漸而成。刑名失出失入。為其人人精。神有限。智識短長。未曾輕責失出失入之官。錢糧盡在民間徵歛不足。其頑在民。何嘗即責有司。所以責者。接受贓私。故行出入罪名。於糧虛出實收。就倉盜賣。有時妄起科徵。如此虐吾良民。所以罪者為此也。便於細民之說。糧長就鄉聚糧。其升合斗勺數石數十石之家。比親赴府州縣所在交納。其便甚矣。柰何愚民猶有謗言。乃曰受害。此人情之難處。

有等糧長貪婪無厭。將自己合納二稅。盡爲衆戶所包。少有不從。倚官挾勢。臨門吊打。細民從之。有等糧長。心懷仁德。性體柔懦。上不倚官。下不挾勢。並不令細民包納本戶二稅。從實催徵。民情不然。欺侮懦弱。故行過期不足。反累善良。嗚呼。吾言至此。惟天可鑒。君子詳觀。

徵收不時第六十六

嗚呼。有司官吏。不才害民。有若是耶。專以二

季徵稅為奸計。麥方吊旗而催夏稅。秋稅穀  
秧方節。早催秋稅。窘民於青黃不接之時。逼  
民於結實未堅之祭。頻於箠楚得贓。緩矣及  
其糧成而至。可以上倉。其官吏人等。故行遷  
延刁蹬留難。不得便於上倉。直待有益於已  
而後已。嗚呼。天災人禍。不至其徒自死。必有  
日矣。

戶部行移不實第六十七

戶部尚書茹太素。左侍郎張易。右侍郎張文。

質木部郎中呂士威王士廉劉景顏員外郎  
蒲如真黃安主事傅友文王毅徐阜良接恭  
李益王肅邵文燁姚得榮蔚綬方彥逸等官  
故推闡其將應施行事務故不施行及至督  
責口稱事務繁冗發落不開於是命總日日  
事若十以憑考驗十月十八日早來呈十七  
日事件數該一百四十三件勅給事中張衡  
監察御史胡昌齡比日考對所單之數各各  
公文皆非十月十七日本日公文盡是十月

初三日連日累至十七日故不施行架下數日。纔命稽考却乃星夜將半月故行沉滯公文妄作十七日接納發放一百四十三件面欺以為冗繁細察所以十七日止有公文六件行移以此觀之面欺平証一百三十七件海內智人觀之奸頑無藉之徒擅敢肆侮如是。

御史汪麟等不才第六十八

廣東道監察御史汪麟戶部主事王肅係洪

武十八年進士登科之後朕嘗愛惜分布各司於公文並不署押政事與正官一體施行所以不押字者為何恐見任官不才有累進士所以事雖辦而字不押倘有事務差違罪歸見任特意優容進士其諸進士不才者多恩且不懷奸猾日務獨汪麟王肅尤甚見其恩不懷而詐日習於是實授以職命事諸司未久戶部主事王肅藏匿錦衣衛力士支賞冊內力士四千名本衛知事累次索取推稱

亡去終不肯與。致令衛知事陳叔名奏聞。朕親問之。其冊安在。曰亡矣。朕謂曰。斯冊一失。弊大矣。所賞人各鈔一錠布二疋。計鈔四千錠布八千疋。爾若堅執不與。本衛必重造關支。支則支矣。其後將不逾月。小吏通同庫藏。憑所亡之冊。一槩盜支。罪甚矣哉。爾可免乎。朕言至此。明旦主事王肅以冊來首。嗚呼。郭桓死而未朽。爾乃疾蹈其蹤。燈窓之學安在。廣東道御史汪麟初在址平道。不押公文。特



使涉歷諸事。其汪麟常不居道。四散優游。都御史題名榜示進士汪麟。不着道為何。明日懇告諸生於都堂求免。從而去之。既授監察御史之任。輒懷已私。上言其首辭曰。各部所任之官。動履紊錯。日獲譴責。然諸事不能一一盡理。次曰。妙選布政司有司。三曰。御史本達情以廣言路。問刑名失職。方今刑名輕重。為能事。問囚多寡。為勲勞。如此懷私妄誕。或亂朝政。曲赦其罪。竄居金齒。以成見在志人。

刑餘攢典盜糧第六十九

龍江衛倉官攢人等。為通同戶部官郭桓等。盜賣倉糧。其官攢人等。已行墨面文身。挑筋去膝。蓋仍留本倉收支。不逾半年。進士到倉放糧。朝發籌二百根。至晚乃收二百五根。進士詰焉。乃是已刑之吏。康名遠。仍肆奸頑。偷出官籌。轉賣與一般。刑餘攢典費祐。盜支倉糧。嗚呼。當是官是吏受刑之時。朕謂斯刑酷矣。聞見者將以為戒。豈意攢典康名遠等。肢

殘體壞形非命存。惡猶不已。仍賣官糧。此等兇頑之徒。果將何法以治之乎。

### 和州魚課第七十

和州判官唐仲芳與同知州邵傑將本州青沙坊等河泊所原辦課鈔一萬九千四百四十貫各分入已及至上司催督起解。却將本州人戶不分城市鄉村。一槩科歛。每戶一貫二貫有之。或三貫者有之。以此補納前項課程。本州人戶數多。科徵鈔數倍於課額。除陪

官外仍復各分入已。如此貪婪無已。罪惡貫盈。致有人吏計彥彰。首告發覺。良民被其剥害。不可勝言。

教官妄言第七十一

天下府州縣學官。咸懷先聖先賢之道於斯。至精者方敢領受是任。敷演先聖先賢之道。以開天生上智之人。以明中材之士。以訓下愚之徒。學校之設。豈非禮之徒。易居之所。實乃賢人君子。端本澄源之所。設使君子居是。

其徒自漸君子矣。惡人居是其徒日漸兇徒矣。洪武十八年冬十月，寧國府教授方伯循實封寧國府知府韓居一。其辭曰：於齋戒未祭，先食牲牢肉臠，又且飲酒及其勾間。其府官並無二項，非為餘罪不律者有之。詢其所以，府官嚴督學校，以致教授方伯循生員張恒等五名憾是督責，遂於祭祀之際窺伺府官飲茶，教授方伯循自行飲酒，徑率諸徒詣齋所，將府官祭服四面揪碎。若奉上司明文。

擒拿有罪者如此非為人神共怒且府州縣  
教官禮義風俗忠孝出焉凡遇祭祀則當誨  
訓生徒明以持心守戒之道至期率赴壇所  
陪祀群神非獨本禮誠敬將後生徒為政不  
勞祀神熟矣其教授方伯循不獨不本禮以  
奉神於壇所大辱掌祭之官可謂罪不容誅  
又有餘罪出納學糧不明改換文案以致本  
府檢舉非止一端嗚呼有司提調學校助君  
之急務也生徒有奸頑者師卒不能化且得

府官助其威嚴。以成成效。豈不美歟。柰何反與不才生徒。誣辱提調官。罪當皆死。所在學校。想宜知悉。

成造馬船第七十二

雲南烏撒。烏蒙。東川。芒部。水西。松潘。客壘。碉門。黎雅等處。每歲進馬不下二萬餘匹。為是各處遞運所官夫作弊。故將船隻缺少。以致將川江船隻打過。往往不得依期回還。所以着令沿江州郡。每處添造船二十隻。其各郡

欽依造完者有之。十分中完備七分者有之。惟太平府同知陳汝器、繁昌縣知縣王景東、當塗縣丞張都、蕪湖縣主簿周仁等監工官倉大使潭演、道副使胡海、高泰、房景賢等指以造船為由，將合郡一槩科歛，剝削於民，止造到船二隻。及至遞運，仍缺船隻，復將川江船打過赴京。事覺，拿到問出情弊，罰各官自於龍江成造四倍。終歲不起，各官亡者，仍拿家屬併工造完。似此奸頑，還可逞乎。



昌解軍役第七十三

鳳陽臨淮縣知縣張泰。縣丞林淵。主簿陳日新。典史吳學文。為勾補逃軍事。受要逃軍陳保仔錢鈔。逼令民人管伍。管歪兒。兄弟二人。充當異姓軍役。兄貢陳保仔。弟貢王虎子。軍各各着役。以致告發。又河南高縣知縣牛丞。縣丞母亨。主簿李顯名。典史趙谷安。亦受要逃軍趙成錢鈔。逼令征進雲南。有功留守烏撒軍人趙成子。鐵驢代充逃軍趙成軍役。以

致告發此兩縣官員盡行典刑。

頒行大誥第七十四

朕出是誥。昭示禍福。一切官民諸色人等。戶戶有此一本。若犯笞杖徒流罪名。每減一等。無者每加一等。所在臣民熟觀為戒。

御製大誥後序

皇上有天下以來。海宇之廣。生齒之衆。機務之繁。思得賢才以圖治道。若稽古典。內設六卿。外建十有三道。道有所屬。府州縣。雖職任大小。其上為

朝廷分憂。下為生民造福。則一而已。日者中外臣庶。罔體

聖心。大肆貪墨。原弊所由起於六曹。為罪之魁。莫甚郭桓。六曹端本澄源之地。而乃

賊貪不法。交通所屬。重為民害。其或根  
株蔓延。能卓然自拔。密緘

上聞可也。乃一槩剥民涇渭淆矣。何瓦乎人  
上弗忍生人之無辜也。不得已施之五刑。致  
使有生之命。代彼當死之命。設若守分  
則俸如井泉之不竭。願乃貪婪。譬猶潢  
潦。其涸可立而待斯

王音日夕所宣諭也。聞者宜惕然矣。而犯者  
自若。復不忍棄絕之載勞。

聖慮條畫成書頒示中外臣民家傳人誦否  
者罪之罪之者以其玩法雖罪之實所  
以生之也題曰

大誥臣三吾竊惟

皇上圖治不遑暇食猶乃營繕是書以為世  
戒其愛民之意深矣臣謹請序其後記  
臣頃在田野欽覩犯諭戒諭榜諭悉象  
以刑不無駭焉暮年有幸得依

日月之光親見罪犯者相繼乃信向所象刑

不徒象矣。是誥也。成周乃洪大誥治之。  
誥。非直州長黨正歲時所讀之法之比也。  
王音所臨。莫不曰大哉。

皇言乎。一哉。

皇心乎。自今官欽遵之。為官箴。不敢非法以。  
撓害乎民。民欽守之。為彛訓。不敢違法。  
以交通乎官。將見比屋可封。堯舜之治。  
復見於今日矣。洪武十八年十月望日。  
承務郎左春坊左贊善臣劉三吾謹序。